

白
蘇
齋
類
集

白蘇齋類集卷之四

公安袁宗道著

弟

宏道

叅校

中道

今體

山寺偶題

漢時城郭梁時寺日炙風吹秋又春
六代風流煙漠漠三才舊恨水潏潏
陰陽戲劇程生馬爪齒虛浮泡
似人如此安禪亦剝事只宜高枕對嶙峋
夜集大人宅偕中郎弟閱五弟時藝

良夜偕金友高堂對玉觥元方今老大第五漸時名
蠟鳳當年戲彫蟲此日聲明經應似我他事莫如兄

又贈志丈

跳地元驚衆操觚更得名袁詵今不恨謝尚未如卿
外屬稱昆季中腸勝友生郝郎時過爾相見莫平平

苦雨

時市酒者阻風未歸

風雨復風雨蕭條以暗窓
昏沉真似病壘塊未能降
亦有到齊酒其如隔楚江
出門覘兩色簷滴正淙淙

其二

今春多驟雨委巷絕經過跬步若為去愁心當柰何
歲年防桂玉卑濕畏江河居食都無計年來憂更多
食魚笋

竹笋真如玉江魚不論錢百年容我飽萬事讓人先
交態歸方識冰心老自堅雨窓歆綠樹宜醉更宜眠
寄無念

飛錫今初返經年半在吳已無壽者相不厭少年俱
歲月看山盡雲霞見海隅東南名下士一一過逢無

其二

窮苦天涯去刻言稀賞音相逢談果報同事見悲心
枯峭人難合清羸病易侵空談有長者相對好開襟

馬上起憶石浦山房

此時石浦月應上遠帆樓竹裡羅蕉局籬邊費酒籌
幽情落夢境良夜踏荒丘檢點秋來事閑忙可自由
過淇縣同年蔣令邀飲

看竹淇園好况逢地主留人今同蔣翊興欲勝王猷
玉釀青瓷甕金鑿熟石榴寒風淒月夜篝火話交遊
初晴即事

晨風吹澹澹簷日報新晴盡啓花開戶全收雨浚清
沉煙留葉几竹色上楸枰自識斜川意虛名總不爭

其二

綠蘿垂翠篠白袷稱烏巾久濕愁浸骨新晴喜見人
天高縱鳥翮雲薄像魚鱗微月宰簾幌移樽就北隣

其三

竹裏烏皮几山中白板扉家貧酒不乏詩拙貌能肥
鳥怪人聲去雲蕪日氣飛牆東那用避名姓本知稀

村居

日日出齋裏錢書只自摧筋骸謝客便鄉土定交難
濕釀苔衣厚寒攻練衿單悠悠堪自厭花鳥嘆春錢

新春索居

春來任索居青艸上庭除白日憑烏几因風檢蠹書
獨竹常隱竹遠害欲同樗無復看花興空驚髻髮疎
齋中獨坐

經旬不出戶春艸閉門深豈少為歡處都無向日心
雲根披遠画竹韻譜新琴縱處塵囂向閒踪未易尋

雨中

散疑向南軒蕭條畫掩門病嫌風力勁靜愛雨聲喧
饒鶴巡苔徑推扉抵竹藩一尊空自遣無可共清言

幽棲

寂寞非逃世幽棲自寡營心閒家累少才短宦情輕
荻笋荒池出薑芋僻逕生空亭宜對酒白浪出高城

游二聖禪寺

荒城殘寺也相宜水湍池塘花繞籬席池雙柑蕪斗
酒隨身一鉢供軍持黃衣零落前朝勅青葉莓苔幼
婦碑十載高陽酣暘地重來風景異當時

晴晚編書

蓬茅聊葺宅，寂寞類枯禪。
却掃頭慵擲，鈔書手自編。
風收雲片薄，雨洗月痕鮮。
靜嘿憐僮僕，燒燈夜未眠。

源禪遊吳造沉香佛像及諸經歸峩眉山

西去當三月，南詢是幾程。
經將千卷去，像以衆香成。
翻壁中流，際摩天疊嶂。
橫往來經險道，何止百餘城。

其二

曾聞西蜀境，獨有大峩殊。
雪色何年歲，佛光定有無。
狄聲當夜激，鳥道折雲趨。
遠覓心初歇，應明鑿裡珠。

陶石簣寄書

不見士行久音容兩地踈
迢遙千里外珍重八行書
評隲唯山鳥升沉悟泥魚
袖書那忍置一誦一躊躇
結社二聖寺

浮世何多事祇園早息機
定僧驚果落沙鳥觸帆飛
香積初分飯旃檀欲染衣
詩壇兼法社此會百年稀
讀小脩南游稿志喜

怪爾新詩好居然下里稀
眉端滄海色江上白雲衣
鼓楫三湘去攜圖五嶽歸
能令名利客一倍宦情微

其二

亦有翻飛興茲遊未可攀
所談客裏路是我夢中山
弱羽經年去孤鱗萬里還
入春隹事少見爾一開顏

其三

詞難從自得相馬任羣疑
頗似沉冥者非徒游俠兒
橐裝無錫水竿牘故人詩
吾家二三子如君定白眉

偶成

細鳥語高枝幽齋事事宜
香龕安佛像貝典教妻兒
施食簷禽狎玄譚階樹知
道綠應不淺龐叟是吾師

桂閣黎收余二十年前題壁詩

是否燈前字將無醉後書蒼茫廿載外渣倒數行餘
色古蒸鑪氣文錢蛭壁魚深慚支遁賞跡重意難虛
偶成

人煙江水上江上日生波街巷魚鰕滿門庭鳥雀多
酒中傳佛意筆底困詩魔已自戢毛羽何由畏網羅
北叢

小草真何意前途事事難骨粗妨禮樂性懶怯衣冠
遠志嚴親奪新愁愛弟寬驅馳堪自厭辛苦為微官

新野道中

過襄又百里步步遠親聞不語塵沙趣焉知仕路非
平原江樹斷野店楚音稀終作一丘士何年此道歸
保安驛道中

此鄉經大侵此路復愁霖怪崔啼村市饑人竄莽林
暝煙連兩腳雲氣起山心薄暮昆陽道行行憂滯淫
過舊葉城有感是時兩弟已行五六日矣三弟
留題荒亭

昔年飛鳥處此日倍酸辛白骨三家市青燐一水濱

異鄉均苦樂兄弟各風塵淒斷患連句荒亭墨潘新
其二

佩犢風猶在画龍迹已陳有情傷暴骨無計起枯鱗
飽食慙官吏停車問寔人腐儒甘脫粟不敢厭勞薪
宿古驛

兀兀泥途裡饑羸不可支燈前慰病婦夢裡見亡兒
古驛啼新鬼顏垣走怪鴟細尋題壁處或有患連詩
登紫雲山是葛仙鍊丹處

昔歲曾遊此題詩墨尚新藥壚燒芋栗丹井長荆蓁

雞犬馴遊子壺觴費道人馳驅明日事輶浣客裾塵
飲禹州李氏園

古郡溪山鄙名園花竹樓麝香眠野艸翡翠立晴洲
安得一生醉那能十日留公榮定誰似是客可銷憂
暮雨

賣却日高睡來踏陌上塵朔風梁苑草古樹濁河濱
強作違心語稀逢有韻人山郵聽雨夜夢裏滑車輪
渡黃河

兩度歸江漢重來渡濁河塵容三老諳驛路二旬過

霜薄天初朗風輕曉色波太行山色近西望碧巖巖
高村店大風店有淇澳叢竹古蹟

罡風獵獵下征鞍十月嚴霜次骨寒噴石澌沙猶古
水流蒼滴翠是新竿寒鴉野店楸林黑凍馬荒亭莎
葉乾何似山齋閉關坐南華攤向火爐看

早發臨洛行沙河道中憶兩弟

昏昏寒月夜方深驅馬長亭復短亭十里奔風吹積
礫千秋篝火亂殘星鞭梢漠北煙沙黑夢裡江南果
樹青驛路飄零那可問挑燈何日對原鴟

將抵都門

九年牛馬走羶半住江鄉狂態歸仍作學謙久漸忘
對人錯爾汝迎客倒衣裳只合尋鷗伴誰令入鷺行
挽同年李檢討成甫四首

草草來還去人間三十年飛揚心慕俠清峭骨如仙
對酒常扶病逢人愛說禪竹窓寒月夜憶爾淚潺湲
其二

十載貧無病半生狂與痴錢刀負市井衣食困妻兒
每想燈前語猶存扇上詩交情堪白首緣薄負心期

其三

白骨歸新土青山閉舊廬
苔緣題遍壁蟲滿讀殘書
鳳老梧桐死霜寒橘林疎
佛天壽昔願今日定何如

其四

泉路飄零久人間惆悵深
有兒非滴骨為鬼不灰心
蛭鼠知誰豚鵠鷗可寄音
無生君所學忍苦莫悲吟

別陶編修石簣四首

日日常門裡棕屨任所之
焚香薰定性畫影鍛新詩
世事拋唇角禪功驗髻絲
深憑法忍力一破有情痴

其二

句說山陰路千巖與萬湍水中城堞見山頂竈煙寒
杭酒來尖觔湘尊供水餐知君遠女色不上浣紗灘

其三

不分陶弘景松風只自聽異鄉同改火法侶悵晨星
賀沼蒲稍綠吼山石孔青良朋君豈戀同調有原鶴

其四

門外正霜飛何堪送所知愁腸紫遠水別面化枯枝
冷澹稀人識清羸好自支芥針能得幾萬里去師資

白蘇齋類集卷之五

公安袁宗道著

弟宏道
中道 叅校

今體

飲楊刺史園二首

東城窳僻處刺史有新廬
近水先生柳門填長者車
菊香熏枕簟酒氣濕圖書
肝膽燈前盡都忘傾蓋初
其二

虛堂含夕照綺席醉良朋
綠酒浮鸚鵡黃花映罷甕

書圖隨意展真贋任人評
清夜論詩罷深談契佛乘
送武陵胡元父令瑞昌

憐君為政處隔水廬山高
白鳥飛嘶牘青嵐遠映袍
移風香簿領蔬圃課叅曹
好學循良去休嫌撫字勞
送鄧少叅希彥之蜀

欲重金躔地應資瑣闥祿
天連巴子國江盡宕渠城
蠻府傳新檄賓人候去旌
葛山遺蹟在知不媿勲名
其二

如何當此月車馬踏噴坑
去楚尚千里過秦應萬盤

深山如雪裏古驛出雲端三十金緋貴休嗟蜀道難
聞顏尚寶質卿稱病有感

燕市饒禪客如君意寔真幽閒泉石趣清瘦雪山身
一榻庭生蘚雙趺席聚塵偶稱摩詰病為度教行人
飲顏質卿齋頭限韻賦同潘去華

同調復同官幽齋會二難交情投芥合禮法解衣寬
坐久爐將燼言多杯屢寒明窓披易注直作太玄看
其二

震旦同叅少長安雅聚難因君道眼別令我酒懷寬

匡坐藤蒲靜幽談水月寒好將瞿氏說留付子庸看
六月三十夜同蕭允升過黃思立齋頭

憐君却掃久為我開清尊一見生狂態相酬多謔言
雨涼輕酒力秋逼攪詩魂尚有看蓮約猶堪續舊論
同黃思立趙貞甫集蕭允升齋中談禪甚快各贈
一詩

黃太常思立

念我同門友為郎家益貧蕭疎愁世軼磊落笑時人
供茗瓷甌潔添香粉袖勻近通窈淨理一倍耐風塵

蕭贊善允升

號奇詞賦古養拙友朋疎每退金華直常備貝葉書
譚宗時契鳥洗墨畏驚魚更羨東門達延陵故不如

趙御史貞甫

逸興文無酒玄談芥與針蘭臺雖作客蒲榻早休心
定裡騎驄馬忙中訪竹林知君無不可那復計升沉

夏日小齋雜興

室小堪容膝冥然斷百思坐看簷日下袒受竹風吹
苔色流書帙花光侑酒卮從來中散意未許外人知

其二

盡日掩荆扉高視蔽夕暉
剩飡菰米飯寬看稻畦衣
密室香雞爐幽欄藥易肥
不知深谷裏過盡幾芳菲

其三

寧憐山氣爽徒憊傍窓紗
迢僻能全草簾疎不障花
無病常伏枕小兒為煎茶
堪笑東陵客休官始種瓜

其四

非傲亦非懶幾月簡達迎
笑語消三伏升沉付五行
雨加蒼蘚色傳瀉綠筠聲
無端傳卷語清耳賴蟬鳴

其五

空階經急雨蕭爽夜無譁折東邀王子餐錢與趙家
頽然對木石率爾吐雲霞酩酊不知出高樓生月華

其六

調古知音少行孤起信微青尊澆宿塊黃葉答初機
事以忘懷簡身因謝客肥由來耽寂寞不是貴知希

過脩竹館贈朱汝脩

名理善女藻君齊高士蹤溫醅餘道氣清瘦帶詩容
烏几竹光映蝸牆薜暈重開尊坐秋雨相對興偏濃

月夜登樓偶成

涼夜誰堪語登樓憶所親無機瓶與我解事酒隨人
未老灰心客初秋病肺身山南田二頃歸計未全貧

其二

可嘆人間事深杯且自斟噉名多局面謀國半真心
霖下泣風葉秋高冷夜沾腐儒無處著只合住山林
月下蕭允升願開雍集小齋賦此

俱集翻成樂幽花曉更妍近窓雲片薄過樹月光全
小築真同隱清酣也近禪莫愁沽酒盡囊內有餐錢

其二

宇宙信空闊方外多友生世情到口殿名障入心輕
月寫風投影人驚夜雀聲射堂千畝雪乘醉更同行
冬日齋中即事

小迳獨相狎娑娑木斲章葉稀隣屋見根老假山蒼
酒濁賢人味衣重道士裝看經心向倦添火靜薰香
其二

繩床盡日凭疊石對峻嶒愁見叩門客幽如退院僧
花藏尋伴鳥風折甯衣藤檢點人間事踈慵總不能

同王昭素昭質及兩弟夜飲願升伯齋中

換室下簾暖小窓愛月幽沉香粘大白談語躍平頭
花鳥談吳事山川叙蜀遊霜光猶可醉道去即宜浮

晨起

竹窓朝受日柴几對維摩怪石僵枯蘚虬松葺老柯
毫冰膠硯薄簷溜入瓶多此地安禪好無煩客侶過
閨人禪誦甚勤喜贈二首

應是新年福力增六時功課勝山僧每持貝葉詢難
字時向蒲團學小乘一簾天風吹梵唄半輪閨月照

香燈却慙龐叟心情嬾擁袖勦勦呼不應

其二

高樓終日禮彌陀天女生來厭綺羅願以幻身酬半偈
羞將素額浹長蛾繡襦針脚花還密誦呪鄉音字
欲說自是靈山佳姊妹何緣结伴到娑婆

讀李洞詩

才子如君劇苦寒青衫垂老憶長安奇愁醞釀千篇
險編性文吾半世羅五字贈僧尤峭拔孤魂吊月應
辜酸祗餘身後遺編在世上誰人洗眼看

春日閒居

人間何物度朝昏
嬾性新來更厭喧
除却跏趺惟飲酒
纔聞呵殿便關門
虛窓月上摹松影
塵榻僧來印衲痕
獨有盆梅嬌窈窕
寂寞故舒丹蕊照清樽

其二

不才敢擬子雲刻
索米金門又一年
風味漸隨雙鬢減
天真猶仗一樽全
破冰滴硯晨箋易
掃地安甬夜坐禪
閒洗甌瓶烹茗故
人新寄玉山泉

其三

人海何妨一粒藏身間稍覺畫壺長厭將禮法繩腰
骨且看經鈔澆肺腸画裡身粘蒼壁色夢中魂染白
蓮香春來窳是城西好擬共山僧坐綠楊

即事

小樓朱几供梅檀夜引閨人懺法壇淨似遠公尚剝
鷄貧如陶令未休官捨完兒女忙何事典却田園醉
不難檢點近來癡業少不隨人舌浪悲歡

偶得放翁集快讀數日志喜因效其語

模寫事情俱透脫品題花鳥亦清奇儘同元白諸人

自
卷之五
七
趣絕是蘇黃一輩詩老眼方饑逢上味吟脾正渴遇
仙醫明窓手錄將成帙恰似貧兒暴富時

賦得殘月似新月

一鉤曾掛暮霞裡半缺還懸曉霧中醉起忽迷鐘早
晚山行誤認峯西東從他鳥曆支干換且喜峨眉首
尾同安得人生也似月蒼顏皓首又如童

黃主客邀送高戶部時開筵夷館

仙郎別署飲休辭春冷何堪送所知羸馬凍啼蹂雪
徑饑鳥寒距蹴風枝夷牋細字摹唐帖胡髻尖纒綴

漢像一曲龜茲君莫評也堪翻出渭城詩

雪後出長安門見西山甚近

雪後天街絕點塵西山一抹白於銀雲邊磴道層層
出馬首峰巒疊疊真瑤島分明連絳闌玉龍天矯貼
青旻却憐往歲曾遊處十里桃花霞角巾

花下

衆髮蕭蕭不滿梳頭顱四十欲何如風塵眯眼花醫
治名利關心酒破除談畏友朋焚麈尾病休人吏掩
幘廬虞翻骨體終難媚高枕從他笑拙疎

京察見部自嘲

擁腫顛寒樗何功濫石渠編摩中聖誤候謁坐禪疎
應客雜詆語嗔奴索報書似浮無似淺不點待何如
初春和陸放翁韻

四十方強已厭官催人頭白是長安新詩繁蕪多隨
意夜讀昏花覺損肝嬾向時人爭巧拙久遊畏路耐
鹹酸春來轉憶家園好社鼓村醪日日歡

其二

冷淡何須厭一官烏紗業裡好偷安厭將資級污牙

類豈有風波入肺肝客枕纔春夢已亂病肱將雪骨
先酸媿無絲竹堪陶寫未怕兒童覺損歡

即事

宦味侵衰詩味長道緣漸謫俗緣輕時涎故紙覓高
士老結同叅進麤生輕滌硯塵留墨繡緩添爐火聽
瓶笙熱官棄置酸寒福貧士收來應不爭

雪晨入直

將曙氣陰陰寒侵燭焰沉雲濃禽路澁雪厚象蹤深
足滑全依僕衣單緊束終人間饒樂事何業化書蟬

有感戲作

占畢半生舌本強。編摩十載硯心凹。賦歸誰假垂風翼。嘆老難煎黏日膠。飽食大官真似鼎。厭逢俗客欲稱樵。移家澧水知何日。擬塞凡泥自結茆。

火神廟道士

事火道人事翻來。水上居鶴窺烹石。鰕魚呷洗丹餘。世業五禽戲家藏八疊書。南陵雖有命。喫酒自能除。送朱平涵太史冊封榮藩。

輶拋銅馬向天涯。官柳千條拂使車。驛路開尊邀月。

石仙源立馬問桃花水平青
州騷人宅山遠朱門帝
子家客裏潘輿誰得似
泛觴還採廖平砂

顧升伯太史奉命如梁賦此為別

柳煙楓霧接河梁樹杪分明見
太行月上山城征馬
急雨過汴水露荷香贈行古帖
來東邸侑酒新詞出
憲王

周府有東書堂法帖又周憲王有自著樂府

此去洞庭秋正好煙波

聲裡說袁郎

送李湘洲太史齋詔之浙

陰句臨崑得禪心遇水閒只憑一紙詔踏遍萬重山

林屋朝乘履松篁夜扣闥定從委宛去載取異書還
壽舒翁大行父也

東魯真儒行南華達士懷無心甘抱甕有手但持杯
杖漑龍潭瀑衣粘靈洞苔仙郎奉紫綰新自日邊來
送夾山母舅之任太原

匹馬穿雲去裝中半道書官貧僮僕慣睽僻送迎疎
掃葉炊紅稻連泉供白魚太原有白魚泉登山公事了何處
顯村謳

其二

身為石室主閒與道人期判訟虎知法升堂報時
衆聲寒井邑山翠淦城池應有西遊草懷甥得幾詩
送別謝在杭司理東昌

一爰平原去高才聊寄樓閑談皆有韻得句半無題
近海觀雲黑登樓看嶽低應憐徵稅苦寬大赦三齊
其二

萬戶蒼煙裡孤城綠水隈郡齋多近艸獄戶長新苔
國袞懷輓俗人驚判劍才公餘尋古蹟先上魯連臺
五日同鍾拱桐黃慎軒方子公及兩弟飲崇國

寺僧房得家字

老僧愛竹石點綴似山家密篠梳風冷流觴逐水斜
談慵思薤葉類醉吐榴花一縷林煙歇闌黎供露芽
壽鄭天司馬

青山歸去爲功成笑看人間利與名三迳新來稱小
隱一身舊日是長城石分甲乙屯雲氣竹長兒孫學
鳳聲智似子房身較健不勞辟穀得長生

送王以明例貢歸小竹林

白瀾着破換青衫歸去山齋自在眠醫俗止留千箇

修買閒先賣一區田。攜妻燒笋旋沽酒。避客澆花自
引泉。怪得新詩奇僻甚。苦吟骨削顚枯禪。

偶題

看看衰症到頤腮。宿業泥人未擬回。醉裏童顏金炸
色。愁來宦味蠟成灰。此心寧與形俱黷。得道何妨老
見催。已約寅年歸淨社。蓋頭茅在夾山隈。

同惟長舅讀唐詩有感

數卷陳言逐字新。眼前君是賞音人。家家積玉誰知
贗。處處描龍總忌真。再捨肉黥居易句。重捐金鑄浪

仙身一誕馬糞危言出難洗詩林入骨塵

看華嚴經

檢點頭顱祇自憐雙輪相逼入顏齡銷除蝸角千生業
憑仗龍宮半部經簡事只嫌多髻髮斷螭先擬絕
葷腥六時起坐疏鈔裡剝啄由他不啓扃

有感

一自辭親返禁林隨人啼笑到如今三生白業施功
淺半世烏紗染俗深往事休污念佛口新來初歇著
書心朝朝頂禮金容後一榻跏趺對水沉

雪中共惟長舅氏飲酒

盆梅香裡倒清卮
聞群鳥噪凍枝飀
後茶熟真易
策雪中酒戒窳
難持爐心香燼
灰成穴紙尾書
慵筆
任韶興話當年
騎竹事如今
雙鬢各垂絲

送邵芝南太史冊封唐藩

輶輟編摩去行行入豫疆
驅車游宛洛立馬問韓梁
雨洗沙溪淨風傳路艸香
雲霞添旅索花鳥貯吟囊
白水秋澄徹丹山夜鬱蒼
剪桐分帝子酌醴醉仙郎
泛消思文林登臺憶武鄉
民艱今可問何似昔南陽

白蘇齋顓集卷之六

公安袁宗道著

弟宏道
中道 叅校

絕句

鼓吹

兒童村巷競走鼓吹
驛路喧闐何似池塘
兩部宮商漸近自然

翻前意

驛路紅塵鼓吹池塘
青艸蛙聲本來都無
音響雅俗

欲向誰論

過黃梁夢三首

車帷且勿捲吾媿見盧公廣陌爭馳騁安知非枕中
其二

枕中天地寬夢裡年光速屈指咸音前黃梁曾幾談
其三

興道夢非真誰知醒復偽飛昇羨呂公亦是夢中事
銅雀臺

銅戶珠簾經幾春縷衣歌扇化為塵隨風惟有臺前

柳梢鵲當年緩舞人

行衛輝野村中即事

渚鴈沙鷗嘒嘒疏畦麥隴縱橫藤蘿也解人意垂蔓
爭冒前旌

其二

茆屋犬卧人邊麥隴鴉啼牛背倘逢種柳先生僕夫
停車少待

即事

寶鴨雙雙引使車都梁旖旎散郊墟腐儒低首還私

憶走馬紅塵三月初

過鄆城讀公孫大娘弟子舞劍詩有感弟子鄆

城人也

一落書生口魂香不計年鬚眉元別駕翻托李孌傳
發遂平

遂亭城外少風塵夏雲千層山萬層一片雲山不可
辨相錯還成綺縠紋

信陽道中即事

巉巖繞畛畦小徑通車馬即此是桃源問津何為者

其二

四顧忽無徑僕夫何所往俄聞車馬喧疑在空中響

其三

山下無人踪山上無鳥語惟餘一片雲見我來遊此

其四

雲中忽吠鳴豈是劉安宅近看爨煙青人家枕山脊

其五

僕夫顧且驚於菟啼林藪乃是巉巖傍流泉挾石吼

其六

橋上山峻峻橋邊石齒齒差暢遊人懷素傷敗者趾
山中看雲

雲學嵯峨山山似霞霽雲雲山何以辨雲白山色青
青石橋

青石橋邊水時時生細波涼風還輕至金斗熨纖羅
其二

覓青點水心雲白杜山口借問山中人還知此樂否
三日行山中山盡有感

眼底青山愛頗真何妨日日對嶂岫今朝捲幔無山

色惆悵還如別故人

送李吉士予告南歸

青春乞得淨名身
彩鷁脩脩漾白蘋
此去吳江風日好
爐香經卷伴幽人

送潘雪松柱史建言謫閩三首

偶緣諫獵動天聞
萬里南還主恩一
壑豈能安薜荔
五雲長自憶蘭蓀

其二

片帆南下碧江濱
秋月蘆花館別離
此去莫驚潘鬢

改正緣憂國半成絲

其三

竭來紫氣滿闕門柱史勾同道自尊我欲冥心求勝
義臨行乞得五千言

飲小脩所攜惠泉

昔逢惠山人曾說惠山好李子千里來同飲惠山水

其二

竹裏自燒鐺清煙澹林月一飲洗煩囂再飲沁毛髮

其三

濕以青王挖泠泠色凝碧憶得在山時一泓抱白石
其四

可憐白髮人朝朝望遊子今日忽歸來飲水亦歡喜
黃梁夢戲題

電光現出青紫蜃氣結成蓬瀛宰官神仙俱幻呂公
豈勝盧生

其二

貧窮輒慕宦遊將相更希仙籍賺人忘想無休誰道
枕堪室慾

仙人洞

風牽弱水船。山阻漁郎棹。誰識仙人洞。乃在紅塵道。

其二

塵中一百年。洞裏一彈指。仙人瞋息間。見我九經此。

萬猿書屋

高齋何所有。琴書伴幽榻。中有吾伊聲。聲與猿聲雜。

天均洞

洞裏無人跡。洞外絕鳥語。獨有風濤聲。時出喬林裡。

荷花池

綠水映紅蓮蓮葉何田田身在衆香國沉醉沒高眠
兩岸笑蓉

南垞與北垞岸遠渺難即此處好行舟面面芙蓉色
春色滿園

结伴來尋春春踪在何許濃香襟艷容已滿山園裏
四面琅玕

白日起寒濤長夏何森爽中間安庶床趺坐絕塵想
天香噴道

獨有金粟園宜供金粟佛瞥聞金粟香擲去礙膺物

蟠栢亭

亭前栢樹子佛祖西來意了知栢即亭是名第一義

桃花洞

君家漢水曲相近武陵源今得武陵花春雨燃山園

五老峰

峻嶒踞虎豹蒼翠積莓苔疑是廬山石風雨忽飛來

滙清亭

小築萬松下兩耳飽潺湲莫訝陶弘景長年只住山

長春堤

偶踏長春堤涼風吹解帶班荆數過帆沙鳥飛雲外
六言

三市六街扮演五湖四海稱揚優孟抹朱面孔偃師
傳漆肝腸

其二

贗鼎浪誇孔鑄偃巫也學舜趨土人休笑桃梗鬱壘
不異神荼

其三

覓元無術肖鵠瘦也無心憐蛭風砌對花軟飽而窓

支枕齁眠

其四

松煙偶作蛙痕就裡誰分醜
好他手我眼何干浪生歡喜煩惱

題唐元徵乃兄漁唱晚晴冊

數椽山水間灘聲雜衆響展簾時一眠
夢境亦蕭爽其二

澄江逗夕暉白練化丹綺風傳鼓枻歌
嫋嫋綠陰裡其三

葉几何所有詩卷三兩束惟應款乃聲時與吾伊續

其四

魚艇宿簷前酒旗飄屋後沽酒復買魚對花傾幾斗
見白鬚

海深難比愛河深五欲騰波天也沉休把霜毛輕鐸
去一回對鏡一休心

死和尚一朝棄諸生披剃書此贈

欲識新長老便是袁中夫依然舊面孔只少幾莖鬚
其二

深藍為壞色裁巾作僧帽我狂正未醒汝魔初然覺
其三

豪性與顛毛一斬一齊落獨有愛山心不受銅刀削
其四

袖中五色豪落紙文光燁夢裡莫還人且留注貝葉
其五

選佛場大開這回應得偈寶葉窠高處應應題名姓
其六

神清骨亦癯雅稱手中錫一笑入千山藏身沒踪跡

題雙寺画竹

風竿不滿尺已饒千丈勢高僧禮誦餘味此蕭蕭趣

白蘇齋顓集卷之七

公安袁宗道著

弟 宏道 叅校
中道

館閣文類

真正英雄從戰戰兢兢來

君子欲有全用于天下則貴慎所養矣。用欲其恢弘。恢弘者無所不可為。養欲其收斂。收斂者有所不輕為。夫收斂者所以為恢弘。而有所不輕為者乃其無不可為者也。是以齋戒凝神也。而後鐘鐻乃成。累九

三五也。而後承蜩若掇。怵為戒視為止也。而目矧無
全牛。望若木雞也。而異雞乃弗敢應。而反走。彼夫精
一技者。調一物者。且期于養。而後其用全。而况號稱
真英雄者哉。兵志曰。守若處女。發若脫兔。此言雖小。
可以喻大也。故夫號真英雄者。扁之至深。闢之至裕。
鑄之至密。張之至弘。有侗乎若童稚之心。而後有龜
蔡之神智。有怯乎畏四隣之心。而後有貔虎之大勇。
困衡胸中。口哇弗張。而後出其謀也。若泉湧。躑躅數
四。曳踵弗前。而後出其斷也。若霆發。其心俯乎環堵。

之內也。而後其才軼乎宇宙之外。其心出乎輿臺之下也。而後其才駕乎等夷之上。此一人也。其始之戰戰兢兢若斯。無一能者。而識者已有以窺英雄之全用。其後之沛數若斯。其卓犖若斯。其奇偉人始指之曰真英雄。而識者固不覘之於沛數之後。而覘之于平居戰兢之時矣。蓋自古稱真正英雄者。放勳風動則莫若堯舜。明光勤政則莫若姬公。而貫百王拔類萃則莫若孔子。乃其兢兢業業以勅天命。吐握而憂淵冰。恂謹於鄉黨。跼蹐于朝廷。抑何其戰戰兢兢也。彼漆

園者流。逍遙徜徉。見以為適。而竹林諸子。箕踞嘯傲。於醉鄉。見以為能。解粘去縛。語之以聖賢之戰兢。若狙之螯於樊中。不勝其苦。而求逸去。而叩其中。遂乃空疎如糠。瓢石田之無當于用。安所稱真正英雄哉。何也。彼漆園竹林輩。視天下無一之可為。故究也無一之能為。而聖賢者。視天下無一之可輕為。故究也無一之不可為。故朱氏曰。真正英雄。從戰戰兢兢中來。豈弗信哉。後之希英雄者。宜何如。曰。無欲以澄之。慎獨以折之。則自無一時一事不出於戰兢。而其養。

深其金用立顯又何所媿夫世之稱真匹英雄者乎。
刻文章辨體序

蓋古所稱經國大業不朽盛事也者其惟文章乎故
機洩於龜馬基造于墳索此語文章之始也摛藻則
天壤為光抒情則丘陵生韻此語文章之用也而未
及其體今夫治室者廟與寢異寢與堂異而廟寢堂
之中楹與櫨異節與稅異彼各有體焉梓人固不得
匠意而運也而矧夫所稱經國大業不朽盛事也者
乎吾姑置庀犧以前弗論論章章較著者則莫如詩

書乃騷賦樂府古歌行近體之類則源於詩詔檄牋
疏狀志之類則源於書源於詩者不得類書源於書
者不得類詩此猶廟之異寢寢之異堂其體相離尚
易辨也至於騷賦不得類樂府歌行不得類近體詔
不得類檄牋不得類疏狀不得類志此猶楠之異椽
椽之異節也其體相離亦相近不可不辨也至若諸
體之中尊卑殊小禧褻殊情朝野殊態遐邇通殊用疏
數煩簡異宜此猶椽楠節椽之因時脩短狹廣也其
體索相近索易失真不可不辨也故夫不深惟其體

而以臆為之則漁父卜居之精遠阿房赤壁之宏奇
見為失騷賦體落霞孤鶩之篇見為傷俳黃鶴白雲
之句見為似古而況夫他之撰擷者乎今天下人握
夜光家抱連城顛憚於結構傳景輒鳴自鑿一堂猥
云獨喻千古全捨津筏猥云憑陵百代而古人體裁
一切弁髦而不知破規非圓削矩非方即今沉思出
象宇之外醞釀在象數之先終屬師心愈遠本色矣
則吳公文章辨體之刻也烏可以已哉抑不佞聞之
胡寬營新豐至雞犬各識其家而終非真新豐也優

人效孫仲敖抵掌驚楚王而終非真孫敖也豈非拘
形似而失真境泥段相而遺神情者乎茲集所編言
人人殊莫不有古人不可湮滅之精神在豈徒具體
者後之人有能紹明作者之意修古人之體而務自
發其精神勿雜勿合名近亦遠庶幾哉深於文體而
亦雅不悖輯者本旨是在來者矣是在來者矣編起
古歌謠至祭文凡五十卷外集起連珠至辭曲共五
卷

性習解

夫言性者折衷于孔氏。其云性相近習相遠。蓋千古性學夔契哉。乃後世說者不無異同。指性同者則有子與性善之說。在指性異者則有荀卿惡楊雄渾告子湍水佛氏作用之說。在而孔氏云性相近也。習相遠也。無乃處乎異而同。同而異之間。持兩端者乎。嗟夫。孟氏專言理。以維世。楊荀輩專言氣。以惑世。而孔氏則理氣合一。一語而備性之全體矣。今試觀嬰孺其天性常未漓也。固有醒然而慧者。亦有懵然難解喻者。固有相嬉而讓者。亦有相聚而爭者。固有逆之

而色弗忤。亦有觸之輒怒而啼者。迺其見親也有不
煦慰膝下者乎。見兄也。雖不驩欣動色者乎。此一嬰
孺也。有慧有憐有順有爭。紛紛殊態。安可謂之同。乃
又無不愛親。無不敬兄。安可謂之異。蓋其異者出于
氣。而其同者出於理。合理氣之謂性。合同異之謂道。
故繫道於性也。迨少長已始。染世味。染世味已始。不
蹊徑。理制氣者。肩聖賢。氣滅理者。墮愚狂。漸摩使然。
匪一朝夕而性之相近如故也。故轆遠於習也。今夫
明珠之隱水底。水清者光立見。稍濁者其光隱見。非

澄之斯可見。而寔濁者非澄之久。光將匿焉。故軒皇
徇齊。克欽。聃舜濬。此水體之本清者也。湯日新。又
緝。此水體稍濁而能澄之者也。太甲初服。敗度悔
悟。桐宮辛。紹先業。此水體本濁能久澄之者也。至于
桀紂暴。盜跖恣睢。此水體愈濁愈撓之者也。是性習
之徵也。要之水可分。清濁不可謂本無明珠。質可分
昏明。不可謂本無義理。故孔子之論性。語氣不遺理。
猶之語水。不遺珠。所謂一語備性之全體者乎。雖然。
夫子直舉全體也。而後世耳食者。藉其似焉。以騰其

性惡渾杞柳作用之說。性惡渾杞柳作用之說。與而後世之恣行胸臆者。又藉其似焉。以便己無忌憚之為害。將何極。孟子深憂之。故單取理義之性。而曰歸於人曰性善。性善斯語也。陽似少悖。夫相近之旨。而陰實翼其師說。故先儒曰。孟氏有功於聖門。不可勝言。知言哉。後之譚性者。必合孔孟之論。而後性學揚日月而行矣。

刻文子序

今之人。方母海錯也。而調梁肉進之。見謂泊然不嚼。

於口矣然海錯卒不可實枵腹不得不舍而之梁肉
者何其味無奇而卒周于用也蓋余始得六子書讀
之至莊列而神動心艷也已讀文中子洎乎其難入
也已數數尋緯焉而始不忍去手盡易莊列之好好
之倘所謂無奇而卒周于用若梁肉者非耶嗟夫嗟
夫自宣父微言莫或抽緒無論莊列諸人汪洋橫議
而白馬逞辯雕龍振奇湘蠹揚藻代及陳隋咏花鳥
賡月露生乎斯時誰能不靡而仲淹者乃能抗手反
經正襟譚道續詩書正禮樂修元經讀易道今觀中

說兩載諷勸之言出處之迹具在焉其詞簡而悉淵
而通微而明曲而當旁觀大義潛宣教旨娓娓乎洙
泗口吻哉所以涵挽頽習永被時賢洗千古而空之
揭吾道以行天者其以為盡宋儒力乎無如仲淹氏
為之嚆矢矣且也溫魏房杜用其士道盤石李祐有
如及仲淹身竟行十二策者其所收太平效何可勝
道余固曰其說無奇而卒周于用也非莊列氏比也
今海內學士好治子家言方海錯乎莊列輩濡首其
中而薄洙泗正論為無當此風不熄將為晉朝揮塵

讀人之濫觴其蠹世道而蕩人心寧有底極故吾取諸子中若文中子之宗洙泗者付剞劂氏刻之以風天下然吾非選聖人之也謂其亦可為學聖者藉也

擬翰林院學士題名記

明興二百餘禩來其為翰林學士者若劉宋諸公而下若干人無論泯匿皆不宜泯沒無紀爰題其姓氏於石而某受簡記焉某竊惟翰林非古所稱天祿石渠之府金馬著作之庭也耶而其所設官竄崇者則莫若學士天子有時坐細旃則錯錯委佩其間時

效獻晉啓沃心至重也自總攬制作黼藻絲綸之外
一切簿書期會弗得溷焉至清也右文之主時溫語
清問體貌有加即列曹寺卿弗敢望至榮也夫士伏
慶窳巷以章句設家至當國家重任至清至榮而今
且勒之貞砥是可以不朽矣然隆碣之間姓氏臚列
崇者躋輔相次公卿清實則固有其德卓爾名世若
威鳳祥麟世爭先睹其名為快者矣則又有膚功在
世衆指其名加額稱頌顧家尸戶祝之者矣則又有
雕蟲繡帟爛若春華後人誦其隻句等於吉光片羽

者矣則又有美食安坐靡太庾立致公輔行不唱肉
庭外衢無纖效者矣則又有張臆逞胸張賂集纖齟
齟賢豪至今耳其姓氏若狼鴟在園惡逐之者矣夫
德如麟鳳者窠上膚功在世者次之雕蟲繡虎者又
次之美食安坐者為下張臆逞胸者抑窠下矣嗟夫
嗟夫此名一刻也窠上者固益彰而窠下者益愈顯
矣夫使窠下之名益顯何如伏處窮巷尚足藏拙乎
是前兩稱至重至清至榮乃至難稱而所謂可託不
朽者乃易以速朽之朽可不懼哉今文運郁壘海內麻

和充詞臣者靡匪一時名公鉅儒其所謂宸下者必不肯為勿論矣顧益茂昭大德宣愷澤仰荷倚毗俯作楷範以無忝太上之業第令弗務宣嚴師濟徒積時月為勞績則吾所稱品之下者即不然而月事夫提要鉤玄揮毫哦誦吐咳珠玉以自雄則吾所稱品之又次者其柰朝廷清華之選而名豈茲刻石題名意也耶某頓首謹記

忠清仁辯

或曰夫子蓋未嘗難言仁哉故於人之過也而觀其

仁里俗之美也。而稱其仁。至任術揆數如管氏也者。而亟仁之。齊楚兩大夫。業已被之。忠清之號。乃獨靳仁焉。何哉。曰。論說於一時者。其旨恕。定品于萬世者。其法嚴。恕語迹。嚴語心也。夫語極於心。則陰避而陽托者。非仁。陰趨而陽托者。非仁。即無所趨避。未忌無所趨避之名者。亦非仁。何也。有所為也。故公旦稱德。明保之忠。天下信其仁。非信其明保之迹也。伊尹千乘弗顧之清。天下信其仁。非信其弗顧之迹也。公旦伊尹。雖出于無所為。故即居攝疑于非忠。五就疑于

非清而竟不害其仁。齊楚二子未必出于無所為。是
以其忠可仰。其清可述。非不足驚詡一世。而竟不敢
信其仁。藉令信其迹。不必原其心。則漆身趙市者。仁
乎。灌園於陵者。仁乎。甚而至於食桃請殉。卧終南為
捷徑者。亦可匿其不肖之心。而溷于仁乎。聖人深慮
之。故于齊楚二子。但被之忠清之號。而靳以仁。夫固
嚴之心。懼其弗真也。或又曰。有如真忠真清矣。可以
為仁乎哉。曰不然。仁體無所不包。忠與清。仁中一事
耳。今夫有木。而華實枝葉附焉。指一葉而曰木在是。

可乎。有山而丹砂并石生焉。指一石而曰山在是也。可乎。故仁首萬善。總百行其廣也。天覆其廣也。川流無不忠而無忠名。無不清而無清名。區區忠清以擬仁。正如木之一葉。山之一石耳。胡能盡乎。不然。則聖門高第。由可治。賦求可從。政求可立。朝雍可南面。已既稱不容口。而至于仁。何以皆曰未可知耶。則齊魯二子之止於忠清。忠清之不可盡仁。又何論也。夫然後知聖人非特嚴于論心。抑亦精于論仁。是又朱子未盡之意歟。

評春秋列國大夫優劣

夫論人于三代以降也則難哉。自辟書所紀外載在國乘其人豈無彪炳來茲而芬潤齒頰者。然而盈尺之瑜方寸之瑕則全林難初駕如組再試多蹶則末路難長于室穴短于衝城則大用難。鸞鳳其外蝮蟻其中則純白難。夫置雌黃于三代以降也則難哉。吾無暇更僕論較著者若管氏之九合一匡晏子之順命衡命趙衰狐偃從公子而伯西晉先軫之克敵城濮孟明之收功三敗士燮之憂先肉寧趙武之不

頓兵甲鋒也。和戎，向也。憂國，教也。謀楚，奚也。顯秦，夫
國家重善謀之臣，則安舍此數大夫也。季友勸勦于
魯，僖公審武救寧於衛，成華元折衝於宋，桓夫國家重
勸亂之臣，則安舍此數大夫也。塞井止餒，鄭之旅。子
革陳析招之詩，史魚尸諫以寤主，蓋皆有古弼違風
焉。鮑叔舉仲子皮舉僑公，亦舉俱，蓋皆有古薦賢風
焉。若乃目夷以宋讓，子臧以曹讓，季札以吳讓，倘所
謂輕國如履者耶。蓋廉靜士也。孔父以宋督死，仇牧
以南宮死，荀息以里克死，倘所謂存鏖如飴者耶。蓋

伏節士也。若乃下惠之治亂俱進，伯玉之卷舒緣時。士會無隱情于國中，又非世所稱真良士者哉。是數大夫者，固家懷棟朝，家貽映殺青，而深詰其生平多瑜焉而不掩其瑕也。始駿焉而不勝其蹶也，才焉或窒于大用也，駿焉或戾於純白也。故置雖黃子三代以降難也。然予竊謂較用于國家者，先功勳，定品于一人者，先操行。夫論功而有雄于尊天玉，擯戎裔不歃血而束諸侯于掌股上者乎？論心而有純于不差汚君不怨遺佚三么勿奪其介者乎？是以論功則宜

首管氏而狐趙為次。升教百里奚輩又次之。論心則
宜首展禽而僑瑗次之。士會士燮等又次之。蓋總
列國大夫則予所楊杞者優而就予所楊杞諸人則
管氏展禽尤優而器小貽譏不恭與諸則其他又可
知矣。故求不窘于寸無詭于心。表裏兼醇華實總粹
是在三代盛際乎。難論于春秋矣。余固曰置雌黃于
三代以降則難也。

救荒奇策何如

日者天災頻仍萬口嗷嗷東南若于天吳西北困于

旱魃山陝之間食石以延涸民之命何論懸罄哉
天子旰食公卿拊髀計可甦元元者不難胼手胝足
圖之而二三臺諫皂囊屢上即不能外蠲賑二議者
以忍讀周禮荒政可濟今緩急莫如散利莫如薄征
散利即今之賑薄征即今之蠲蠲賑二議即令管晏
持籌賈晁精算計必出此矣然而竟未能濟元元之
急者何也特其迹而拘攣弗變獵其名而奉行勘實
也拘攣弗變奉行勘實即恩綸時下日繫載少府之
金而馳之郊何益乎故愚竊計蠲之策一善行其蠲

之策三賑之策一善行其賑之策六今海內重萬郡
邑之稅應存留者業已免徵而起運者尚未全豁也
枵腹子遺救死不暇而胡力辦此故起運之課宜省
也流聞州邑不肖之吏黃封雖下白紙猶催時贏之
夫腹無半菽而手足猶繫于桁楊藉當寧之曠恩為
潤篋之便計乃其姓名猶有不入撫巡之白簡者何
其貪而黠也故苛徵之察宜密也民方草食不充而
大吏猶華軒盛駟烜赫載道軒輶之使至餽遺充斥
供張豐腆此非民膏何以給之故官守之自奉宜薄

也茲善行其蠲之三策矣以幽遐蒞屋悉仰內帑其
勢易窮而悉舉州邑之庫藏贖緩給州邑之窶者鮮
不濟矣故從朝廷賑之則難從州邑賑之則易也一
邑之中一都之內豈無豪貲財好施與者故令上賑
之則難令下民自相賑則易也里之厚貲者所捐若
而百則賜棹楔旌之若而千則爵之若而萬則厚爵
之富民有不竭屢以趨者乎故強之使賑則難勸之
使賑則易也幽遠山民去城百里晨起累糧登壁趨
城指胥猶待其短長非少賂之弗得徑受賑得不償

失柰何宜令耆民之廉平者脩里之富好施者臨其
聚落招給焉平有賞私有罰蔑不說矣故移民就食
則難移食就民則易也或量里之廣狹為巽若干令
耆民及富民之平者烹糜而日餉之期于便近民無
薪水之煩得飽食矣故散粟給民尚難為糜以餉民
尤易也夫珠不可襦玉不可食有米粟乏絕之虞人
至扼壁以殞者故即得州邑及貧戶之賑而操金貿
易轉移尚艱故使下民偵粟則難官司為轉輸而給
之尤易也凡此皆善行其賑之策矣語云中流失船

一壺千金小補罅隙之計大都若此豈能奇乎善哉
乎先儒言之也有治人無治法今法非不犁然具而
州邑之吏故紙尺一以壅澁澤何濟乎故在天子
清心節用凡內府供應一切訪諸祖制毫無所增
上絕冗費則公府有餘金而賑易私家不免濫取而
錫又易撫巡諸臣又窺見意指誰敢不堅羔羊之節
以玷官箴一二奉行不謹之吏且解組去不為蟲矣
不然吾未知果有奇策之可以救民也

士先器識而後文藝

夫士戒乎有意耀其才也。有運寸之本存焉。有意耀其才。則無論其本微而神洩于外。而其才已散。散則無纖毫之用於天下。夫惟杜機葆真。凝定于淵默之中。即自致其才。卒不得不顯。蓋其本立。其用自不可秘也。今夫花萼蕃郁。人睹木之華。而樹木者固未嘗先溉其枝葉。而先溉其根。丹雘紺碧。人睹室之華。而治室者固未嘗先營其榱椽。而先營其基。都何也。所培在本也。良玉韞于石。不待剖而山自潤。明珠含于淵。不待摘而川自媚。莫邪藏于匣。不待操而精光

自燥人不可正視者何也。有本在焉。其用自不可秘也。而乾代文士。未窺厥本。啾啾焉日私其土直而詫於人。單辭偶合。輒氣志凌厲。片語會意。輒依觀千古。謂左屈以外別無人品。詞章以外別無學問。是故長卿摘藻于上林。而聆竊賞之行。者汗類矣。子雲苦心于太玄。而誦美新之辭者。覲類矣。正平弄筆于鸚鵡。而誦江夏之厄者。捫舌矣。楊脩聞捷于色。緣而悲。祗情之語者。驚魄矣。康樂吐奇于春州。而耳其逆叛之謀者。穢譚矣。下逮盧駱王楊。亦皆用以負俗。而賈禍。

此豈其才之不贍哉。本不立也。本不立者何也。其器誠狹。其識誠卑也。故君子者。口不言文藝。而先植其本。凝神而歛志。回光而內鑑。鰐歛而藏聲。其器若萬斛之舟。無所不載也。若喬嶽之屹立。莫撼莫震也。若大海之吐納百川。弗涸弗盈也。其識若登泰嶽而矚遠。尺寸千里也。若鏡明水止。纖芥眉鬚無由形也。若龜卜著筮。今古得失凶吉脩短。無遺策也。故方其韜光養嘿。退然不勝。如田畯野夫之胸。無一觔而比其不得已而鳴。則矢口皆經濟。吐咳成謨訓。振球琅之

音炳龍席之文。星日比光。天壤不朽。豈比夫操觚屬辭。矜駢麗而誇月露。擬之塗糶土羹。無裨緩急之用者哉。蓋昔者咎禹尹虺。召畢之徒。皆脩明聖顯懿之德。其器識深沉渾厚。莫可涯涘。而乃今讀其訓誥謨典詩歌。抑何爾雅閎偉哉。千古而下。端拜頌哦。不敢以文人目之。而名爭推為萬世文章之祖。則吾所謂其本立其用自不可秘者也。譬之麟之仁。鳳之德。日為陸離炳煥之文。是為天下瑞而長卿以下有意耀其才者。何異山雞而鳳毛。犬羊而麟趾。人反異而逐。

之。而或以賈蒙爲睹其文乎。信乎器識文藝表裏相
涵。而器識猥薄者。卽文藝併失之矣。雖然。器識先矣。
而識尤要焉。蓋識不宏遠。則其器必且浮淺。而包羅
一世之襟。廣固賴有昭晰六合之識見也。大其識者。
宜何如。曰。豁之以致知。卷之以無欲。其庶乎此。又足
以補行儉未發之意也。

白蘇齋類集卷之八

公安袁宗道著

弟

宏道
中道
崇校

館閣文類

乞進講大學衍義疏

伏惟 皇上效明聖揖熙之學采老成芹曝之獻數
日以來御經筵者一御日講者二按圖對史左詠右
詢遠陋金華白虎之談近跨邇英廷議之論矣臣數
遊豹尾中仰窺 聖衷惕厲不勝忤踴竊效塵露少

裨淵藏焉臣竊睹儒臣進講曰經曰史詎不稱古訓哉然而經史以外尚有足羽翼聖真補苴鴻猷者謹按大學衍義一書先臣真德秀氏之所為纂也總先聖之規模則先王之典謨思齊之詩家人之卦諺後賢之論議則繼之思孟况雄仲舒歆順之說衍格致則明道術辨人材審治體察民情衍誠正則崇敬畏戒逸欲衍修身則謹言行正威儀衍齊家則重妃匹定國本嚴內治教戚屬網羅先躅摭撫舊聞其廣則恢天極地其細則繭絲蠅毛其小則涪河之散流其

合則戶之有樞也而車有轂萬禩之理忽來茲之龜
鏡具是斯已勤矣臣愚以為需臣進講經史而外益
以此書必能仰資黼座弘資治理啓沃灌溉功匪尠
鮮臣復惟系大於學哲后所務非第如經生齟齬據
梧晤咿揚扅以聞博雅資諸墨已也其躬修貴物其
履蹈貴實其咨詢貴虛其問學貴恒夫將義所載一
言一藥而稽之今日于忝竊合者則莫切乎重妃匹
令嫡媵有分定國本令睹聽無惑嚴內治令巨鑑無
竊柄而圖茲三者在上皇上一念敬畏自標直影隨

故曰躬修貴約也夫格致誠正初無奇艷世主所闊
視之者藉金陽浮慕于廣廷之上而陰違戾於重帷
之中是戲塵飮薦芻狗而耕石田也安所用之矣故
曰履蹈貴實也黼宸之上人主高拱穆然何論神明
而二三儒臣跼蹐毋敢失尺寸執牙籤屏息得畢兩
肆於前大善矣臣獨計明主得少假借娓娓下訊
云何格致云何誠正云何修身而齊家二三儒臣各
薦所見其當上指與否俱且和顏受之有不折肝
剗膽者非夫也故曰咨詢貴虛也夫日新時保得義

所稱引臣竊見 皇上昔在冲齡講筵之御煥寒不
輟而近歲傳免者屢矣今雖銳志講學萬無復輟而
臣已聞然有鮮終之慮焉紆義之所稱緝熙日新與
戒逸欲者可不日陳于耳以預防之乎故曰問學貴
恒也且臣伏聞 高皇帝授受未幾即取紆義書之
應辟而 世宗朝亦嘗取紆義君臣講論為倡和詩
此豈飭弘文之偉儀修太平之壯觀已哉其躬修誠
約其踐履誠實其咨詢誠虛其問學誠恒也此祖宗
故實非臣臆見繩武光先實在今日伏望 皇上下

采芻蕘特命儒臣進講大學衍義設誠力行臣所云四者臣幸甚天下幸甚

一貫忠恕說

昔者曾子取忠恕明一貫而紫陽氏以為是惜言之也自紫陽氏有惜言之說而輓世俗儒愈起分別而增葛藤愚竊謂忠恕之外別無一忠恕通天下之外別無貫悟者見其一而未悟者見其二焉爾今失人不忠則偽不恕則私私偽紫莠其中是不一也撥莠與物為鄰日以心聞隔形骸於一臆起藩籬於我聞相

刃相劑以行而天下遂于我渙然不相通是不貫也
是不忠恕即不一不一則不貫也忠者無偽恕者無
私無偽無私則在我盡撤其障隘以通于天下天下
亦洞洞屬屬盡見我太虛同然共得共適而薄海含
靈盡歸我膜歸我闔而無纖毫之扞格而弗通是忠
恕即一一則貫也而奈何云借言之乎或曰一貫即
忠恕則一貫庸行爾孔子胡榮公語洵澤弟子而
獨挈之以魏傳曾氏者何哉則紫陽之云信言豈謬
耶曰凡借言者是本不可名假托之以明若二物然

而道亘今古弗異寧有二也即無論孔氏雖堯舜以
來所稱精一寧外忠恕特聖人安之則名一貫學者
勉之則名忠恕故愚嘗竊論有聖人之忠恕有學者
之忠恕吾亦欲無加諸人者所謂聖人之忠恕非乎
而勿施于人則學者之忠恕是矣反身而誠者所謂
聖人之忠恕非乎而強恕而行則學者之忠恕是矣
立人達人者所謂聖人之忠恕非乎而能近取譬則
學者之忠恕是矣老安少懷者所謂聖人之忠恕非
乎而車喪共救善勞無伐則學者之忠恕是矣善乎

程伯子之訓忠恕曰惟天之命於穆不已乾道變化各正性命又曰此與違道不遠異者動以天夫忠恕動以天而同乎天豈與一貫之理纖毫隔閡哉故曰聖人安之則一貫學人勉之則忠恕曾子功力將純故傳其安者而弟子境界尚隔故僅聞其勉者異者造不異者道則紫陽之稱借言也其毋乃太分別與雖然一者渾渾淪淪不可得而名曾氏恐學者難之而道迷故直發之曰忠恕紫陽恐學者易之而道亦迷故又解之曰借言而均一明道覺人之心有所不

得已者矣吾又聞紫陽有晚年定論深悔其傳註未
當有誤來學茲解也或猶未定之論未可知也

防河議

今天下譚防河者豈不稱甚辨哉日者祥符蘭陽間
河決百餘丈湮城郭毒人民患非渺矣然僅及沿河
之人民未至奔潰四出為根本害而其沿堤之瑕者
補之金堅且厚尚可支目前而徐邳以南則為害滋
大矣蓋害在河以南為四肢之病在徐邳則癰之附
咽喉失今不治憂尚忍言乎異日者徐邳之間黃淮

合流今黃強而淮弱則不能合和強則易決高寶之
間決而國家數百萬飛輓雲連將何道以濟乎則害
在運道淮不敵黃將縮而旁潰旁潰其及泗州乎則
害在陵寢且黃緣清河凡四折而趣海藉令一者
不守而淮安高寶鹽興之民何恃弗為魚乎則害在
人民是河南諸處害僅人民而徐邳間則合害運道
陵寢而三也三二瞿瞿之臣蒿目而畫者不出疏築
二義然理勢固不能出疏築二議矣是在當事者求
其當實行之焉耳往治河之臣計謂堤深則能束水

水受則勢迅而沙淤隨下是寓疏於築不可謂非便計今沙竟未能滌而水日益高將復議增堤增之不已將隆之於天也無論糜帑帑即緩急奚益也邇年議少異矣是故議重開草灣議開月河坂開議落崔鎮等堤夫開草灣僅能防西堤之冲有如淤清近決而入柰何則重開草灣非計也夫河堤不足賴矣將月河足賴乎則開月河非計也今崔鎮徐二堤流甚細李太三義久塞今雖落之豈能洩洪洞之流則落崔鎮等堤亦非計也然則遂無計乎曰酌之疏與築

之間求其當實行之焉耳夫河南之境水堅難測而
徐淮地燠解冰於季冬測其淺深而濬之及底焉久
之河益深水益日卑不憂潰矣此疏之一策也又自
大河口別開一河至瓦子灘以接草灣出顏家河庶
幾正河不冲入清江間乎此又疏之一策也夫安東
至雲梯一帶業已堤之而郊陵至羊寨四十里不可
為束堤乎此築之一策也凡此皆補苴錢漏之計矣
乃若功力甚鉅可計萬全者似莫若復故道河自桃
源三義鎮達葉家冲而合淮寔惟故道而濟運一河

廼支河耳今河流竟棄正河而據支河有如復此直
接顏河足可支數十年無恙一勞久逸輒費永寧將
在於此是又善行其疏之上策而繁可無論已語曰
非常之事非常人之所能為夫唐堯且咨嗟俾乂而
漢武沉璧馬宣房瓠子間而為詩以嘆今譚何容易
哉藉令今所陳復故道諸策可實見之行亦賴廟
堂精擇純心任事者全委付之而毀拘摩寬文法無
愛帑藏無惜高爵戒十年之牧公擾排道旁作舍之
謀即地平天成河瀆獻瑞可望于今日而何慮三患

不然吾未知空譚之可以得患否也

擬遼東剿平東夷·賜給總督薊遼都御史誥

文

奉天承運皇帝制曰朕惟旌旄作鎮弘資帷幄之
良秉鉞專兵式重干城之寄矧薊遼藩屏京國而總
督鎖鑰北門屬羽檄之風馳賴募畫之天捲言念非
常之伐宜膺不次之恩爾總督薊遼都御史某文武
兼資忠良夙植器足當盤錯出以沉幾志不避勦勦
應之閒暇頃者海西之弗靖實由那林之逆謀雪王

台之孫報二奴之怨鹵掠畜產虔劉士民結連淵藪
跳梁邊境鼓螳臂以當輶張螢火以燔山知鼠竊之
無能為顧集謀之安可赦爾乃克攄神算用振皇威
甲士電馳戈鋌日耀先聲播而天狼膽落全軍臨而
孽虜魂銷獻斬馘者盈千獲輜重者無算烽燧撤警
賴以拯東鄙之危師旅投戈從茲釋北顧之慮勳在
廊廟名震華夷我武惟揚朕心嘉悅庸鑒勞績爰賜
寵綸嗚呼方冊宣猷則周王攘外營平展加則漢主
拓疆嘉爾虜功諒同先躅爾尚恢張志意益勵忠貞

舞兩階以格苗。朕不敢後干羽之化。出萬全而制敵。爾當克先桑土之謀。欽哉。

毛穎陳玄石泓楮素傳

毛穎本中山後也。善昌黎昌黎傳之詳。自唐遂由中山徙西吳。而其友陳玄石泓楮素者。相與同起。處陳玄者。秦五大夫裔。世居易水。沒散處都會間。惟遊歛者貴盛。甲天下。自萬石君以躬行顯于漢。而子孫能世其業者。莫若石泓。徙清徙絳。徙端溪。俱有名。而楮素者。一名知白。其業成于蔡黃門。楮先生其昆季也。

初毛穎謂泓曰若塊處跬步不移毋乃好逆乎泓應曰吾不能效若齟齬勞形也素亦謂刻曰若黯黯自污非夫哉玄應曰若皎皎者乃易污蓋穎嗜動而泓嗜靜褚白陳黑故四人相調如此云一日毛穎目三人孰能知動不異靜靜不異動白不異黑黑不異白者吾與之友四人相視而笑莫逆于心于是始定交相與出囊求一試其長而值劉項逐鹿之時劉馬上習不能用項稍用亦不肯竟去學劍而四人者遂擯於世其後毛穎見班超而超投之褚素謁李意其意

其裂焉石泓性重陳句嘿嘿徒懷念俱不能為二友
爭已而入坐左思潘潛與左相對幾十年四人非不
知潘潛之褻而重左之博雅不能捨去左賦三都贈
矣今古四人與有功焉居無何有客以其能薦於王
義之者義之亟招此四人相得甚驩王每謂人曰吾
以毛君為刀劍以陳君為鞶甲以石君為城池以褚
君為陣吾其遂為天下勅乎義之場傳諸子孫子孫
待四人敬不衰至今稱臨池業自烏衣一派外無兩
者本義之暱此四人之力也自是四人名逾重無論

雅俗顯隱皆爭客之而寢後有藝圃主人者尤極禮
遇焉凡主人有所任使則玄與穎輒就泓謀定然後
告於楮素使素傳布人間語云同功一體其此四人
謂哉然此四人者自少迄今精銷力錫良苦矣而感
主人禮遇相議所以報德者於是泓語素曰吾聞主
人方勾覽逖搜為不朽盛事此豈我輩貞潔一身之
時以問穎穎曰穎盡吾心乃已以問玄玄曰亦不敢
愛摩頂虛主人任用卒相與畢力任事終始無間云
後各有茅土封世世勿絕太史公曰夫士遇合固各

有時哉此四君者當其遇劉項時齷齪發囊中以為計畫無復之爾及其遭時遇主彈冠俱興並有顯代聲施到今豈不偉哉然令此四君懷枚並進各不相能功亦不就乃能相挽相推若左右手以有成績嗟乎可謂善始令終無負師濟之義者矣

刻玉海序

自唐宋來博雅君子摭摭羣言勒成類書者無慮數十種云徵事者采其繁屬詞者擷其藻功藝苑者鴻矣不佞蒐獵其間竊恨諸書所載或誕焉而不及核

或蔓焉而不及詳又或喋喋纖書焉而不及弘鉅也
其竄核竄詳竄弘鉅者宜莫如玉海一書夫孔不語
怪而他輯者多尚奇僻以駭俗藉令肆此而能識畢
方辨癡龍非怪也而玉海所紀皆宇宙所必有及世
人所經見者即譚天譚律應譚祥瑞易涉幽渺大都
義和氏之合流而屈軼棠萼之濫觴無甚奇者故玉
海竄核也他輯多揭片語採隻句以資組織助吟咏
而此書錄天地及經籍制度探源溯流櫛比鱗次萬
無漏一故玉海竄詳也月露花鳥何關朝政他輯疊

疊無非此者所謂弁譜蟬史耳淺矣此書上逮帝學
下逮僨食皇皇懿懿夫孰非黼黻上務與密勿之宏
議也耶故玉海竄私且鉅也而今世經生學鮮本原
藉口孔氏多識鳥獸草木之語齷齪焉取前所謂載
花鳥紀奇袤者而綴拾之以流連光景謂是馳騁藝
林矣此其弁髦玉海也固宜嗟夫孔氏多識鳥獸草
木然其學之大者不曰識大識小乎識大識小固所
謂國家之典章制度也則玉海其近之也已烏可少
也噫嘻士貴通達世務曉暢經濟况業以經術起家

肩鴻負鉅而或不開于古昔典故之詳沿革始末之
異以徵今代之所廢所興以准官而考政于國家何
賴焉其或者以當宁慎默也則可而有如一旦天
子坐白虎觀延諸臣細旃之前上訊天文下諏地理
中訪皇王霸之業及應朝制而起異時所以善敗而
乃喑然無以應曰主臣臣愚不及此此無論無以將
順黼藻光揚聖德即職業之謂何矣誠取玉海一
書時用披閱豈徒廣異聞侈腹篋亦國體臣職之助
也是用刺之以公諸藝苑其所繇名玉海者則前人

序已詳之茲不具論論其所闕之大以爲入海采玉者勸爾

皇祖成功文章頌有序

臣稽古帝王巍乎成功煥乎文章惟放勳稱焉百代罕儔矣至乃跨躡百代肩踵放勳共救天壤照耀今古者孰逾我皇祖哉夫我神州之內自相逖承禮樂文物未盡變易也豈有天鵬闢八中原推結其冠裳汎掃其法制如胡元也者丁斯時也村謝神武則成功豈易德勘聖哲則文章奚遑乃太祖皇帝龍

奮淮甸禽雞醜虜驅而置之大漠之外自遼海以西
陰山以南耳不聞夷靺之音目不睹辮髮之俗至夫
馘漢擒吳滅夏平梁尤難殫紀不越十稷寰宇混一
可不謂雪百王之耻除千古之兇者乎功莫大矣已
乃秦虛既逐湯網尚踈皇祖又于是乎建睿謨攄
鴻算以潤色之羅中書省戒擅也撤母后席杜漸也
官制律令開亂也頒行集禮範世也樂章九奏彰功
也祖訓大誥貽則也皇哉唐哉斯又皇祖之女章
所以並燁星辰者也夫威定秦項則馬上之習無父

治幾成康則臣虜之羞莫雪文章成功信難雙美而
我皇祖乃武乃文亦經名緯豈惟漢唐兩主端拜
而讓斯名放勳以來所未覩也臣也繪測天海豈能
彷彿高深願欽仰皇烈亦安能已夫揄揚臣謹拜
手稽首而獻頌曰茫茫區宇上豎下豎扇飈四野揚
氛五岳天剖靈符萬生高皇蛇鑒示異立筭呈祥
奮起東土爰振士旅猛將如羆謀臣似雨旌髦耀日
戈鏃干雲爰摧勁諒爰取偽誠遂定南服黃鉞北指
衝堅堅瑕杆敵敵靡傳檄王庭孽胡褫魂左賢烏散

永靖邊塵。皇曰無荒。貞我王度。積慮委心。儲思垂
務。玄覽書林。遙集文圃。金科玉條。昭示來許。爰定禮
樂。以洽幽明。明堂雍臺。振鷺充廷。帝典已補。王綱已
張。麟麟冊府。庸顯周行。卓哉神武。宇宙永垂。軒讓
五岳。禹遜神主。懿哉聖文。日月並煌。秦規漢轂。等
于螢光。武烈文謨。啓佑來茲。時賴文孫。覲之揚之。何
以覲揚。惟教惟一天。庥薦隆焉。禋無極。

玉壺冰賦

歲既暮日方升。姑射主人睹玉壺冰。焉問於憑虛文。

人曰斯何物歟若斯之清瑩也方今客主無所攄情
子其抽秘思騁妍辭侔色揣稱為我賦之憑虛丈人
逡巡而起揚袂而稱曰僕聞玉比德於君子冰並潔
于神人山海傳載夫龍首幽風發詠于凌陰璞或獻
于楚山井或鑿于凌雲賜重宣室直倍連城或不韞
而自朗或屢琢而稱珍玉號貞栗冰亦堅瑩離之則
並義合之則雙清爾乃采玉于石剡器成壺以虛而
受用當其無侔巧周瓊埒竒夏瑚于是嚴律閉陰雲
升朔氣至河海凝大荒雪滿沙塞鴻驚天景初夕玉

壺始冰質規規而外圓色輝輝而內瑩遠而望之若
太陰團圓昇銀海迥而察之若沆瀣沆朗浮金莖若
夫朝開霽色旭日瞳矇光射冰壺如紫金之在鎔殿
殿燦燦照暎房櫳或望舒繼明羲馭已沒光凝冰壺
若明鏡之出匣晶晶瑩瑩可鑑毛髮若乃置于殿廡
列諸明堂彩綵龍袞色耀黼裳琬琰陳芳韶輝弘璧
設弓掩光其或清廟肅穆圭俎靜閑用昭潔後式供
清燕間餼饌之璀璨添和望之泔淡又若依玉堂近
紫庭軸帙生色几席增明飄兮清翰墨之思脩然遠

闌闔之塵至若賓筵乍啓酬獻初行助綺筵兮靜嘉
祛錦席兮炎蒸何借龍皮之扇不用冷蛇之縈釋肺
腑之塵缺慙賓友之歡情信使夜光奪魄明月懷慙
隋珠失照趙璧讓研刻畫非人工可及瑰奇似神工
所完故能令對之者慮暢觀之者神清何涼草之可
擬豈寒孤之能勝雖形質不盈夫尺寸照矚止及夫
戶廷然已寬然具體乎閨苑而彷彿乎蓬瀛見者似
已濯魄于瑤瓊亦何必躡足于峻嶒也稱引既已復
作而為亂曰玉匪冰兮空復守貞冰匪玉兮未離滓

塵冰假玉以為用兮玉含冰而轉清直方任器規圓
協情緣時呈象含光宵形溫如皎如象君子之清貞
姑射主人欣然促膝相屬曰善哉子曙於冰壺之德
矣乎微子鴻辭則冰自貞孰章厥美矣于是命觴飭
腊敬薦上客庸佩玉奇服之無斁